

■ 欣宜的健康備受關注。
資料圖片



知老友傷勢唔嚴重 許廷鏗約打波 欣宜反撩打牌

鄭欣宜早前宣布復出參加內地歌唱比賽，但之後因肩頸傷患被迫退出。欣宜老友許廷鏗昨日出席活動時透露已慰問對方，指欣宜身體狀態OK，並搞笑稱經常約她打羽毛球，但欣宜卻反叫他打牌和吃美食。

新城廣播主辦《第一屆新城慈善羽毛球賽》昨日在跑馬地紀利華木球會舉行，匯聚來自各界的社區成員，包括名人、歌手、商界、運動員及學生踴躍參與。新城廣播有限公司行政總裁馬浚偉親自上場，與羽毛球高手許廷鏗、郭偉亮(Eric Kwok)、羽毛球教練葉婉延及伍良華進行慈善星級表演賽。

許廷鏗表示打了羽毛球逾30年，問到可有邀請好友鄭欣宜一起做運動？他笑言：「成日叫佢，但佢又叫番我打牌同食嘢。」提到欣宜神隱兩年，原本上月復出到內地參加歌唱節目《歌手2025》，但演出前卻因肩頸受傷而退出，近日再有消息指她會現身節目，但官方隨後證實由黃麗玲(A-Lin)做

補位歌手，更指欣宜無法參與本季節目，令外界再度關注她的傷勢。

問許廷鏗可知欣宜的傷勢是否嚴重？他表示：「對上一次見面已經係欣宜5月生日，之後睇新聞先知佢受傷，已經慰問咗佢，但回覆話OK，應該幾好，所以都有再打擾佢。作為朋友，我覺得工作係重要，但更重要嘅係佢身體健康、行得走得，詳情就留番畀佢自己解說。」

Eric Kwok學打羽毛球追女仔

許廷鏗透露曾與欣宜討論參加歌唱比賽事宜，但當時她覺得自己已是歌手，不會參賽，故當他得知欣宜參加《歌手2025》感到驚喜：「因為以前嘅佢唔係一個對自己好

有信心嘅人，依家佢終於相信自己嘅聲音係有實力。」

Eric Kwok自爆當年為追初戀女友而學打羽毛球：「到第二個女朋友已經係太太葉佩雯，係靠玩Wakeboard抱得美人歸。拍拖之後感染太太愛上滑雪，令大家有共同嗜好。」他透露與太太主理女團XiX的新歌《你唔明㗎喇》快將推出：「過程辛苦到令我同老婆啱咗4年命！」更形容比滑雪更危險，但歌曲卻是XiX由BB變成少女的成長階段。

■ 郭偉亮自爆學打羽毛球是為了追初戀情人。



■ 馬浚偉頒發學生盃冠軍。



■ 許廷鏗打羽毛球超過30年，技術精湛。



盧慧敏拍MV被發脾氣考起

盧慧敏(Amy)推出第2首個人單曲《白牆》，靈感來自她重複卻又微妙不同的生活，展現壓抑後爆發的「Show Time」。MV還原她的日常，包括敷面膜、浸腳、邊食飯邊跳舞等，非常搞笑。她換上近10個造型，壓軸以閃爆短裙出場，更跪地忘我高歌，寄語大家找到屬於自己的舞台，做最真實的自己。

Amy坦言被發脾氣考起！MV其中一幕，髮型師不小心用直髮夾焗親她的後頸，Amy要扮翻鬧走對方。她笑言：「我真係唔發脾氣，因為好叻。嗰個Shot要我鬧人，但佢演繹得非常有趣，同埋大家係幫緊我，所以好難鬧得落，係一個好大概挑戰。」她表示拍攝歷時兩日，其中一日正值小暑，氣溫達35度，一眾台前幕後拍得非常「溶」洽：「全部人熱到溶晒，體感溫度係48.93度！」



■ 盧慧敏跪地忘我高歌。

■ 盧慧敏借新歌鼓勵大家，要勇敢找到適合自己的舞台。



高海寧獲意外假期學滑雪

高海寧以代言人身份到坑口為保健產品拍新廣告，穿露臍裝大晒纖腰。問到事前可有Keep Fit？她說：「一直都有，拍廣告前有多做運動，依家腰圍23、24吋，最Fit應該係選港姐嗰陣22.5吋腰，當年唔食嘢，仲要5點起身跑步。」她表示剛拍完劇集《新聞女王2》，因另一劇集《璀璨之城》延期，獲得意外假期。已兩年沒放假的她會隨蘇民峰到澳洲學滑雪。提到有傳《璀璨》劇延遲至10月開工，她說：「幾時開工就要等監製通知，但係就有擔心。其實之前已經出咗劇本，依家執一執劇本，咁拍起上嚟會更加順暢，好過一路拍一路執。」



■ 高海寧穿露臍裝晒纖腰。